



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Von menschen lere tzu meyden**

**Luther, Martin**

**[Erfurt], 1523 [=1522]**

**VD16 L 7285**

Der erst/ Moses Deutronomio/ das ist yhm funfften buch am vierden  
capitel spricht.

**urn:nbn:de:hbz:466:1-32077**

## Das menschen lere tzu meyden sind/ grund

auff der schrift.

Der erst/Moses Deutonomio/das ist yhm funff-  
ten buch am vierden capitel spricht.

¶ Ihr solt nichts zū thun zu dem wort/das ich  
euch sage/ vnd auch nichts dauon thun.

Wirt aber yemand sagen/das Moses rede von seynem wort allein/  
Den vber Moses bucher sind auch vill propheten bucher vnd das  
gantz new testamēt dazū than. Antwort. Es ist aber nichts neues  
dazū than/sonder eben das selb/das in Moses buchern steht in den  
andern. Den dye andern bucher thun nichts mehr/denn zeygen dye  
exempel/wie Moses wort gehalten oder nicht gehalten sey/vñ wirt  
wol mit anderley worten vnd geschichten beschriebem. Es ist aber  
alles die selbige eynige lere vnd meynung/vñ hie ist zū trogen wider  
sie/das sie yn allen buchern/ausszer Moses bucher/ein wort zeygen/  
das nicht zūvor yn Moses buch erfunden werd. Den das ist vnges-  
zweyffelt. das die ganze schrift auff Christum alleyn ist gericht.  
Vñ spricht Johā. 5. Moses hat vñ myr geschribē darūb ist alles  
in Moses buchern/als im heubt buesse/was in andern buchern ist.

### Der ander ist Iſaias am

29. vnd der herr zeucht es an Mat. 15.

¶ Dis volck ehret mich mit seynen lippen/yr hertz aber ist ferne von  
myr. Aber sie dinen myr vergeblich/das sie leren/der menschen lere  
vnd gepott.

Merck das wort Christi/das ehrl̄ vergeblichen dienst heyst gote  
nach menschen leren dienen/den Christus ist nicht druckenn noch  
wūcht/vnd auff seyn wort ist aller dinge zū bawenn/sur alle engel  
vnd creatur.

### Der dritte ist.

Der selbige Christus yn selbigen capitel Mat. am. 15.

¶ Was zum mund eyngchet/das macht den mensche nicht unre-  
yn/sonder was zum mund auß gehet/das macht den menschen  
unrein.

24